

المشكال

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢ ١٣ ١٤ ١٥ ١٦ ١٧ ١٨ ١٩ ٢٠ ٢١ ٢٢ ٢٣ ٢٤ ٢٥ ٢٦ ٢٧ ٢٨ ٢٩ ٣٠ ٣١ ٣٢ ٣٣ ٣٤ ٣٥ ٣٦ ٣٧ ٣٨ ٣٩ ٤٠ ٤١ ٤٢ ٤٣ ٤٤ ٤٥ ٤٦ ٤٧ ٤٨ ٤٩ ٥٠ ٥١ ٥٢ ٥٣ ٥٤ ٥٥ ٥٦ ٥٧ ٥٨ ٥٩ ٦٠ ٦١ ٦٢ ٦٣ ٦٤ ٦٥ ٦٦ ٦٧ ٦٨ ٦٩ ٧٠ ٧١ ٧٢ ٧٣ ٧٤ ٧٥ ٧٦ ٧٧ ٧٨ ٧٩ ٨٠ ٨١ ٨٢ ٨٣ ٨٤ ٨٥ ٨٦ ٨٧ ٨٨ ٨٩ ٩٠ ٩١ ٩٢ ٩٣ ٩٤ ٩٥ ٩٦ ٩٧ ٩٨ ٩٩ ١٠٠

والله يهدي من يشاء الى صراط مستقيم ديني ، علمي ، ادبي ، سياسي هفته لق مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف ادیب

عدد ٣٧ - ٢١٩ ٥ ذی الحجه ١٣٣٠ پنجشنبه ١ تشرين ثاني ١٣٢٨ جلد ٢ - ٩

۲۸ تشرین اول ، بازار :

بوکونی غزته لرله حکومت طرفندن « عساکر عثمانیه نك چتالجه خط مدافعه سنه چكيلمك لزومنی حس ايله اوراده اكالم تحشيدات ايتكمده بولونديغنی و بونك پاتختك قاپوسی اوكننده بر محاربه بولاجقندن عبارت اولدینی و بوسو رتله دهه هيجان و خلع جانلره سببیت ویره بيله چكی نظر اعتباره آلنه رق هر درلو وقایعك اوکی آلتق اوزره تدابیر ضابطه و سیاسیة اتخاذ ایدیلدیکی » بیان ایدلگدن صوكره ، آسایش مملكتی اخلال ایتك قصدیله بدخواهانه شایعه لر نشر ایدن فسادك شدتلی مجازاته دوچار ایدیلجه چكی رسماً تبلیغ اولنیور و « حكومت حاضره نك استناد ایتدیکی سلامت وطن امل ملی سندن اخذ قوتله و فعالیت عظیمه ايله حرگته عازم و هر درلو تردددن سالم » اولدینی اعلان اولنیور . باب مشیختدن دخی چتالجه ده اجتماع ایتكمده بولنان افراد عسكریه به آكلایه جقلى ان ايله نصایح لازمه ومؤثره ایفاسیله اردوی هایونك تقویه معنویاتی و افرا ك تزايد شوق و غیرتلى ایچون علمادن یوز قدر نطوق و نافذ الكلم ذواتك خادم كوینه اعزاملى هیئت عسكریه چه بالاتخاذ ، مجلس و كلاجه تنسیب اولنان قرار اقتضاسدن اولدینی وجهله باب فتواجه در سعادتده کی مدرسین کرام ايله رجال علمیه دن اوصاف مذکوریه یی جامع ذواتك اردوی هایون قرارگاهنه عازم اوله جقلى اعلان اولنیور . علمای مشارالیه من الی ذات بوکون قرارگاهه کیدیورلر . میدان حربدن پیدری در سعادتده کلن مهاجرین آراسنده قولرا خسته لنى وقوع بولدیغندن بوکوندن اعتباراً پایتخت قولرالی اعلان ایدیلر ك تدابیر صحیه به توسل اولنیور . بوکون ده دول معظمه سفراسی آوستریا سفارتخانه سنده اجتماع ایدیورلر . اعیانندن مشیر فؤاد پاشا ، بحری وولى پاشا لر چتالجه به عزیمت ایدیورلر .

۲۹ تشرین اول ، بازار ابرسی :

تکفور طاغی جوارنده دشمنك بر بطاریه سی دوننانك طوب آتشیه محو و پریشان ایدیلدیکی دونما قوماندانلغندن بیلدیریور . چتالجه به عزیمت ایتش اولان هیئت عسکریه و اعیان در سعادتده دونه رك حال اجتماعده بولنان هیئت و كلايه داخل اولیور . حال و موقع و وضعیت حربیه حقنده ایضاحات و معلومات ویریورلر . بوکون متاركة عقد اولنه جق دیه بر شایعه دوران ایدیورسه ده اصلن اولدینی معلوم اولیور .

۳۰ - ۳۱ صالی ، جمره منبر :

سلانیک والیسی در سعادتده حرکت ایدیور . روم ایلی حقنده بر جوق خصوصی خبرلر آلنیور . فقط غزته لرده بوبابده یرشی مندرج دکلدر . هر کس حیرت و انتظار ایچنده در . بتون امیدلر اللهه ، چتالجه اردوسنه قالمشدر .

عالم اسلامده تظاهرات

ايرانی در آراسنده :

تجار و تبعه ایرانیه دن مرکب تشکل ایدن قومیسون واسطه سیله مجروحین غزاة عثمانی ایچون اعانه جمع ایدلگده اولدیغنی اولجه یازمش ایدك . ایران سفیر کبری احتشام السلطنه میرزا محمود خان حضرتلری ولایات شاهانه کارپردازلرینه دخی تلغرافنامه لر کشیده سیله اورالرده مقیم تبعه ایرانیه چه ده اعانه جمع ایدلسنی اشعار و قویاً توصیه بیوردقلرندن بصره ده مقیم تبعه ایرانیه دن در حال آلتش عثمانی لیراسی جمع و شهر مذکورده مقیم هلال احمر جمعیت محترمه سنه تودیع قلندیغنی بصره باش کارپردازلغندن سفارت کبرایه وارد اولان تلغرافنامه ده بیلدیریور .

ایران سفیر کبری احتشام السلطنه میرزا محمود خان حضرتلری پنچشنبه کونی ایران مظفریه خسته خانه سنه عزیمتله تداوی ایدلگده اولان مجروحین غزاة عثمانیه یی زیارت و بالعموم مجروحینك خاطرلرینی استفسارله وطن مقدسلی

حقنده ایفا ایلدکلی خدمات مفتخره عسکریه لرینی تبریک و شکرله و سیفاره لر توزیعله جمله سنی تلطیف بیورمشلردر .

هندستانده :

تایمس غزته سنك قولومبو مخاری سیلان اهالی اسلامیه سنك محاربه حاضره مناسبیله بیوك بر متینغ عقد ایدرك بینلرنده هلال احمر جمعیتی ایچون اون بیک رویه اعانه طوبلادقلرینی یازیور .

پشاور علماسی محلی جامعشریفنده محاربه حاضرده عثمانی اردوسنك احراز مظفریت ایتسی ایچون ادعیه مأثوره تلاوت ایشلردر . بعده بیوك بر متینغ عقد اولنه رق بر هلال احمر هیئت تشکیلی ایچون ایجاب ایدن تدابیره توسل ایدلمشدر . بوندن کلکته ده دخی اهالی اسلامیه هلال احمر ایچون شمدی به قدر اون بیک رویه اعانه ویرمشدر . بزقاج کونه قدر مبلغ مذکورك قات قات تزايد ایده چكی شبهه سزدر . الیوم بتون هند اهالی اسلامیه سی بالفان محاربه سنك بتون صفحاتی کمال دقتله تعقیب ایتكمده در .

قاراشی اهالی اسلامیه سی دخی عین کونده ایکی مختلف نقطه ده متینغ عقد ایدرك محاربه حاضره مناسبیله دولت عثمانیه حقنده توجیبات صمیمانه اظهار ایتشلر و بعده عثمانی سلاحلرینك مظفر اولسی ایچون دعالر تلاوت ایشلردر . متعاقباً هلال احمر ایچون اعانه جمعنه باشلانیش ، ۱۶۸۵ رویه طوبلانمشدر . بو ائشاده یدی یاشنده بر قزجغز پارمغنده کی یوزوکی چیقاره رق هلال احمره اهدا ایتمشدر .

انگلندده :

مانچستر شهبندرلکندن کلن خصوصی بر مکتوبدن مقتبس : « مانچستر شهبندرخانه سی اك مشغول زیارتچیلری اك جوق برداره دز . دون غایت علوی بر حال قارشوسنده بولندم .

صباح شهبندرخانه به کلدکده اختیار پڑمده قیافتلی یورغون بر عربک مردیون اوزرنده اوطورمش ، بکا انتظار ایلگده اولدیغنی کوردم ، بن وطنه اعاده ایچون کلش بر عرب ظن ایتدم . اون میل اوتهدن ماشیاً مانچستره کلن بو بیر محترم آلنك تری ايله قرانمش ، اقتصاد ایتش اولدینی ایکی انگلیز آلتنوی بکا اوزاتدی و هلال احمره کوندرمکلکمی رجا ایتدی . هویتتی تحقیق ایتدم . هندستانی بر مسلمان ایش ...

اختیار ، خلیفه معظم پادشاهمنز افندیوز حضرتلرینه دعالر ایلگه و مملکتیزك سلامتتی بتون صافیت وجدانیه سیله منی ایتكه باشلامشدر . بو هندلی مسلمانك مقام خلافته قارشو بدلامکده اولدینی حسن مربوطیت و ابراز ایتدیکی حمیت قارشیسنده بر قاج قبطره ممنونیت یاشلری دوکدم .

روسیاده :

روسیه مسلمانلرندن یوزی متجاوز مجاهد بالفانلر حربنه اشتراك ایتك اوزره کوكالی اوله رق جمع کونی سیواس-توپولدن واپورله شهرمنه کلوب ، طوغریچه حربیه نظارتنه مراجعت ایشلردر .

خارینده :

حمیتلی خارین مسلمانلری کچلرده طرابلس غرب محاربه سنه اعانه اولق اوزره ۲۰۰ روبله کوندرمشلردی . بوکرده خارینك کنج ، منور علماسندن امام عنایت اه افندی و طاغستانی سید طاهر افندی حضراتنك ترغیبات دیا . تیرورانه لری نتیجه سی اوله رق ۶۰۰ روبله جمع ایله ینه طرابلس غرب محاربلرینه یاخود دیگر موافق بر محله صرف اولتق اوزره استانبوله کوندرلمشدر . مبلغ مذکورك بصره ده اك موافق محل صرفی روم ایلی مهاجرین اسلامیه سی اعانه قومیسوننه ویرمك اولدینی دوشونیلر ك ، شهر امانتنده منعقد مذکور قومیسون وزنه سنه تودیع و مقبوضی بالاخذ خارینه ارسال اولونمشدر .

ذبح قربان حقنده

« اضحیه ده واجب اولان اراقه دم اولوب بوده خالص حقا اولدینی